

# Dewis offer ar gyfer gweithio ar uchder

Ymgyrch 'Height Aware'

## Taflen wybodaeth 2

Os ydych yn gweithio ar uchder, neu'n contractio eraill i'w wneud, bydd y wybodaeth hon yn eich helpu i ddewis yr offer cywir ar gyfer y gwaith.

## Pa ffactorau y mae angen i chi eu hystyried?

### Amodau gwaith

Wrth benderfynu ar ba fath o offer sydd fwyaf addas ar gyfer tasg benodol, ystyriwch y canlynol:

- llethrau neu amodau gwael o ran y llawr;
- rhwystrau, ee durwaith neu fargodion;
- wynebau bregus;
- llwythi ar lawr.

### Yr uchder i'w ddringo

Mae ysgolion cludadwy yn llai addas ar gyfer uchderoedd mawr, yn enwedig os oes angen cario llwythi. Lle y bo'n bosibl, darparwch risiau dros dro neu sgaffaldiau t<sub>r</sub> mynediad gyda grisiau mewnol, yn hytrach nag ysgolion cludadwy.

### Hyd ac amlder y defnydd

Yn gyffredinol, mae gwaith rheolaidd neu gyfnod hir yn cyfiawnhau offer diogelu rhag syrthio o safon well, ee sgaffald t<sub>r</sub>, grisiau podiwm neu graen casglu ffrwythau yn hytrach nag ysgol neu ysgol fach. Gall ysgol neu ysgol fach fod yn dderbyniol ar gyfer tasgau byr, ee newid bwlb golau, pan na fyddai adeiladu t<sub>r</sub> neu bodiwm yn rhesymol gan mai dim ond ychydig o eiliadau mae'n cymryd i wneud y dasg ei hun. Ond, mae'n bosibl y bydd gwaith o osod sawl rhes o fylbiau golau neu stripiau ffwlrolau mewn ffug nenfwd yn cyfiawnhau'r defnydd o d<sub>r</sub> neu risiau podiwm gan fod y dasg yn para'n hwy.

### Pellter a chanlyniadau syrthio posibl

Os ydych yn defnyddio system lliniaru cwmp, mae'n rhaid i chi sicrhau bod digon o gliriad er mwyn ei defnyddio, fel nad yw'r defnyddwyr yn taro yn erbyn rhwystr neu'n taro'r llawr cyn y caiff y cwmp ei atal.



Os oes rhaid i chi ddefnyddio rhwydi neu fagiau aer, dylent gael eu lleoli mor agos â phosibl i'r lefel gweithio gan nad ydynt yn gweithio mor effeithiol os yw'r pellter syrthio yn rhy fawr.

### Gwacáu ac achub

Os oes rhaid i chi ddefnyddio system lliniaru cwmp, mae'n rhaid i chi sicrhau y gellir achub y gweithiwr os yw'n hongian o ymyl to.

### Gosod a symud

Wrth ddewis offer gwaith edrychwch ar yr holl risgiau, nid dim ond y rhai sy'n gysylltiedig â'r cyfnod 'defnyddio'. Gall gymryd dau neu fwy o bobl i gydodod sgaffald t<sub>r</sub> i fynd i'r to a gosod diogelwch ymylon dros dro, er mai dim ond un person o bosibl sydd ei angen ar y to i wneud y gwaith trwsio, gan roi sawl person mewn perygl fel y gall un person weithio'n ddiogel. Ateb gwell byddai defnyddio craen casglu ffrwythau, fel y gall un person wneud y dasg yn ddiogel o'r llwyfan gwaith. Mae hyn yn osgoi peryglu eraill yn ystod y gwaith gosod a datgysylltu.

Mae hyd yn oed rhagor o risgiau yn gysylltiedig â gwaith ar do ffibr/sment asbestos bregus. Lle y bo'n bosibl, defnyddiwch graen casglu ffrwythau neu sgaffald t<sub>r</sub> i gael mynediad at ffenestr do sy'n gollwng a'i thrwsio. Bydd hyn yn dileu'r risgiau sy'n gysylltiedig â gosod a datgysylltu offer gwaith ar y to.



## Sut rydych yn penderfynu pa offer i'w ddefnyddio?

Mae angen i chi sicrhau eich bod yn rhoi blaenoriaeth i fesurau cyd-ddiogelwch dros fesurau diogelwch personol.

### Beth yw cyd-ddiogelwch?

Cyd-ddiogelwch yw offer sy'n gallu diogelu mwy nag un person ac nad oes angen unrhyw gamau ganddynt i sicrhau y bydd yn gweithio, unwaith ei fod wedi'i osod a'i godi'n gywir. Mae enghreifftiau a all atal syrthio yn cynnwys sgaffaldiau, sgaffaldiau t\_r a chraeniau casglu ffrwythau sydd â rheiliau amddiffyn ac offer sy'n lleihau canlyniadau syrthio, gan gynnwys rhwydi a bagiau aer.

### Beth yw diogelwch personol?

Diogelwch personol yw offer sy'n diogelu'r defnyddiwr/gwisgwr yn unig ac sydd angen camau gan yr unigolyn, fel ei wisgo'n iawn a'i addasu, er mwyn iddo weithio. Mae enghreifftiau yn cynnwys offer atal sy'n atal rhywun rhag syrthio ac offer lliniaru cwmp sy'n lleihau canlyniadau syrthio.

### Pam rhoi blaenoriaeth i fesurau cyd-ddiogelwch?

Mae sawl mantais yn perthyn i fesurau cyd-ddiogelwch. Maent yn haws i'w defnyddio, yn diogelu pawb sydd o dan risg yn y man gwaith ac mae angen llai o ymdrech o ran eu cynnal a chadw ac o ran hyfforddiant y defnyddiwr. Mae gan fesurau personol anfanteision - mae angen lefel uchel o hyfforddiant a chynnal a chadw amynt a dim ond y defnyddiwr y maent yn ei diogelu.

## Beth y mae hyn yn ei olygu yn ymarferol?

Os gallwch ddarparu cyd-ddiogelwch, dylech wneud hynny. Er enghraifft:

- defnyddiwch sgaffald t\_r (cydaliad rhag syrthio) yn hytrach nag offer atal (ataliad personol rhag syrthio);
- defnyddiwch fagiau aer (cydlinariad) yn lle system atal syrthio (lliniariad personol);
- fodd bynnag, dewiswch atal (ataliad personol rhag syrthio) cyn bagiau aer (cydlinariad).

Mae'r tabl isod yn dangos pa offer sy'n darparu cyd-ddiogelwch neu ddiogelwch personol ac a yw'n atal rhywun rhag syrthio neu'n lleihau'r risg o anaf difrifol yn unig. Rhwng flaenoriaeth bob tro i ddefnyddio offer sy'n darparu cyd-ddiogelwch rhag syrthio, a ddangosir yn y bocs isod a gysgodir.

	Cyd-ddiogelwch	Diogelwch Personol
Offer gwaith sy'n atal rhywun rhag syrthio	Rheiliau amddiffyn, sgaffaldiau, sgaffald t_r, craeniau casglu ffrwythau, liffitiau siswrn, grisiau podiwm	Offer atal
Offer gwaith sy'n lleihau canlyniadau syrthio	Bagiau aer, rhwydi diogelwch	Offer lliniaru cwmp
Offer gwaith arall sy'n atal cwmp neu'n ei lliniaru	Ysgolion, ysgolion bach, stolion	

## Beth arall sydd angen i chi ei wneud?

Sicrhewch fod gan y bobl sy'n dewis, cydosod, defnyddio a goruchwyllo defnydd yr offer yr holl wybodaeth berthnasol, ee cyfarwyddiadau'r gwneuthurwr, eu bod wedi'u hyfforddi a'u bod yn gymwys. Sicrhewch y caiff yr offer ei archwilio a'i gynnal a'i gadw'n rheolaidd, gan gynnwys ysgolion ac ysgolion bach.

## Hoffech chi ragor o wybodaeth?

Dyma un o bum taflen wybodaeth yr ymgyrch 'Height Aware'. Y gweddill yn y gyfres yw:

Taflen 1: Gweithio ar uchder: Yr hanfodion

Taflen 3: Dewis contractwyr cymwys ar gyfer gweithio ar uchder

Taflen 4: Dewis, defnyddio a chynnal a chadw offer diogelwch personol rhag syrthio

Taflen 5: Mân waith cynnal a chadw toeon: Diogelu rhag syrthio

Mae rhagor o wybodaeth ar gael ar wefan yr HSE [www.hse.gov.uk/falls](http://www.hse.gov.uk/falls) ac o Linell wybodaeth HSE ar 0845 345 0055.